

MIGHTY TALENT REY DI CALYPSO Y DI ROADMARCH

ORANJESTAD(AAN):

Durante un anochi sin ningun brillo, di tanto e participantenan como di e publico, **Mighty Talent** finalmente a bin gana e concurso di Calypso y di Roadmarch, cu su calypso "One Day" y su roadmarch **Push out your ... Cultura**.

Un anochi cu te na momento cu juradonan mester a bay delibera 4.30 or madrugada, ningun hende por a bisa kende sigur lo ta e ganador di anochi y con e expectativa pa finalistanan lo ta.

Un anochi den cual, ningun di e participantenan por a move e publico manera tabata e caso den pasado y un anochi den cual e publico

tabata masha pasivo pa cada presentacion.

Des pues di dos ora di show, tabata **Albert Manuela** cu su **Feel it** cu a trece poco bida den e concurso, y ora a kere cu esaki lo sigui cu **Lady K** y **Longroy**, a resulta cu **Lady K** tabata leeuw di su **Hardself** di pasado y **Longroy** no tabata cerca tampoco di su **40 years carnaval** di aña pasa cu su **hisa man na laira**.

Tabata mas o menos na 4 ora di show cu **Mighty Hippy** cu su stroler di baby y su partimento di chupon y T-shirt, a trata di trece bida den e anochicu su calypso **Chupon** y su roadmarch **S.O.S.**, pero e tampoco

como un di e "grandinan" no a logra den su intento.

Tabata te 1 or di madrugada cu **Papito** y su **doble Sabor**, cu **Lord Papito** a trece poco bida cu su **Masage** y a keda riba mes trapi cu **Albert Manuela** pa locual ta animacion.

Mester a warda te 2.30 or di madrugada pa bolbe haya poco movecion, y esaki a bini di e warmup di **OREO** cu **Mighty Talent** cu "Saca e boem" y mas ainda cu e calypso "One day" y roadmarch "Push out your ... cultura".

Aunke el a move e publico poco mas cu tur otro, e duda a keda ainda si e lo por bira ganador di e anochi, sperando e otronan cu ainda me-



ster presenta...

Ramphys Tromp y **Tattoo** pa popularidad di **QUASI** a logra haya publico nan tras, pero a bin resulta cu ningun di nan calypso of roadmarch por a ser consider for di e momento ey tampoco como "un ganador", cu calypso di **Ramphys** den bon linea cu **Talent**.

Pa 3.45 or di madrugada, e penultimo participante tabata "Challenger" cu **Super formacion TAXX**, y su "Press Release" di cual a ser spera hopi pero hopi mas, a desapunta.

A keda solamente "King Computer" pa ainda participa y defende su corona di 1994. El a defende su "All the way" dignamente cu su roadmarch "Nations in Aruba", move e publico un poco, pero por a ripara sinembargo cu no tabata tin un ganador den e roadmarch aki.

Su calypso "Tur Aruba around" tabata otro. El a duna **Mighty Talent** un batalla fuerte aki, y finalmente mester a keda contento cu e di dos lugar cu 2020 punto, tras di e ganador **Mighty Talent** cu 2175 punto.

Ramphys Tromp a ter-

mina na di tres lugar cu 1939 punto cu su "Wind and Grind", cu su compañero di **QUASI**, "Tattoo" logrando 1915 punto pa "House party" y **Longroy** kedando satisfecho cu di 5 lugar cu 1835 punto pa su "Bring them home" cu tabata un bunita calypso tambe.

Den roadmarch "Now and Then" di **Tattoo** a logra 1855 punto, bon pa di 5 lugar. "Massage di **Lord Papito**" a haya 1860 punto terminando na di 4 lugar. "Singing captain a sorprende na di 3 lugar cu 1875 punto pa "The wave", cu **Ramphys Tromp** terminando na di dos lugar cu "Gyrate" rici-biendo 1895 punto.

Tabata **Claudius Philips**, "Mighty Talent" cu a gana titulo di "Rey di Roadmarch" pa di 6 vez, faltando dos pa empata cu difunto "Lord Boxeo" cu tabata mentor di "Talent". Su **Push out your cultura** a ser premia cu 1966 punto pa 5.00 or di madrugada, pa 10 minuut despues e ripiti e roadmarch ganador, cerando e anochi oficialmente pa 5.15 or di madrugada ayera.